



Universitätsbibliothek Paderborn

**Hebdomas Patientiæ Sive Methodus Facilis Totam
Septimanam Inter Omnes Fortunæ, Ac Vitæ, Coeterosque
Casus Humanos In Sancta Quietæ, Pace, Et Patientia
Transigendi Ex Consideratione, Imitatione Et ...**

Dietmer, Georg

Moguntiæ, 1674

Caput I. Magnitudo dolorum Beatissimæ Virginis consideratur ex triplici
amore erga iesum filium suum.

[urn:nbn:de:hbz:466:1-46586](#)

stantis; eundem ingenti cordis solatio
& gaudio invisit. Ann. Mar. 13. Jan.
O si vel semel hoc tibi obtingat, quam
amplo munere tuum obsequium erit re-
pensum. Sed ne tibi metuas; indigni
equidem sumus istâ in terris lætitia,
erit, cum post dolorum horum piam
memoriam, æternum cum Virgine, in
cœlis lætabimur.

DIES VENERIS.

Stabat autem juxta crucem Jesu
Mater ejus. Joan. 19.]

CAPUT I.

*Magnitudo dolorum Beatissimæ Virginis
consideratur ex triplici amore erga
IESUM filium suum.*

Non ita rerum imperitus es mi Par-
thenophile, quin noveris rebus
quibuslibet precium & æstimationem
imponi ab amore, amor scilicet judex
est, & censor valoris, à quo cujusque
rei dignitas dependet; hinc sit ut sæpe
res tantâ arte, ingenioque claboratas,
à natu-

à natura non raro ita perfectas, ut vix aliquod premium dignitatem earum ex æquare possit; verum cum judice amore careant, flocci fiunt, ac jacent. Certe virtutis tantus splendor est, tantumque premium, ut, vel ipsis ethnicis testibus, si oculis videri posset, mirabilem sui in animis hominum amorem excitaret, verum cum non videatur, non amatūr; atque hinc est, quod à paucis condigne æstimetur. Sicut ergo forma, juxta Philosophorum placita rebus dat esse physicum; sic amor dat esse morale precii, & valoris. Quid prætulit Reginam Estherem omnibus fœminis, tot regnis, & provinciis pulcherri- mis repertis, ut ei dimidiā monar- chiæ partem Rex Assuerus promitte- ret? *Esther* 4. prætulit ejusdem regis amor. Quanto non amore subinde ho- mo rapitur in caducum flosculum? la- pillum fragilem, quem ipsi idcirco pre- ciosum vocitant; eoque per infortu- nium aliquod amisso, heu quam cruci- antur, furere occipiunt, laqueos medi- tantur, ipsos dæmonas evocant, ut re-

K amatâ

amatâ & concupita repotiantur. Quo
igitur rei cuiusdam amor altiores in pe-
ctore hominis egit radices, possessioq;
illius magis stabilita est; tanto intole-
rabilior ipsius apparet amissio, tantoq;
majores cruciatus, angores, & tormen-
ta cordis illi progenerat, qui rem tan-
topere dilectam perditam deplorat. Ex
quo clarissime rursus convinci potest,
in SS. Virginis pectore, ac animo inex-
plicabiles, folique Deo cognitos dolo-
res arsisse, quod ipsa sola præ creaturis
reliquis omnibus filium maxime dili-
geret, cum tam dilecti mors, amissioque
instaret. Erat autem amor Virginis
erga dilectissimum filium suum triplex,
ex quo vicissim ineluctabilis magnitu-
do doloris Matri dolorosæ enata fuit.
Et primus quidem *Naturalis* erat, *acqui-
sus* alter, & tertius *supernaturalis*. De
naturali certe amore constat Deiparam
filium plus dilexisse; quam cœteræ ma-
tres omnes diligent; diligebat suum
Jesum non tantum ut partem sui, sed ut
se ipsam; si enim ideo Matres plus di-
ligunt filios, quam iidem à Patribus di-
ligan-

ligantur, quia magis sciunt quod sint eorum filii, quam Patres. sciebat Virgo Deipara cujus hic esset filius perfectissime, suus, & Patris aeterni. Erat hic filius ejus unigenitus, atque sine Patre secundum humanam naturam, adeo ut reliquorum parentum erga filium divisus, totus insolam matrem confluxisset. Profecto Hieremias 6. cap. ut eam nobus proponat amaritudinem, qua peccatorem suum lugere paccatum oportet, inquit: *ludum unigeniti fac tibi planum amarum.* Et Isajas declarans magnitudinem divini amoris erga suos, & singularem curam eis velut infantibus blandieandi, & consolandi in ipsius Dei Personâ sic loquitur: *Quemadmodum Mater consolatur filios suos, ita & consolabor vos.* Regiusque psaltes ut ingentem erga Jonatham, quem interisse audierat, amorem testaretur, exclamavit: 2. Reg. 1. *Doleo super te frater mi Jonatha decore nimis, & sicut Mater unicum amat filium suum, ita ego te diligebam.*

Erat præterea hic Unigenitus MARÆ cunctis gentibus desideratus, in-

K 2 dole

dole sanguinea, genioque ad summam admirationem amabili; Erat corpore, & mente Virgineâ, proportione membrorum, & compositione formosissimus, Matrique similimus. si autem teste Bernardin: Senen. tom. 3. serm. 1. de glor. Nom. Mariæ art. 1.c.2. similitudo & propinquitas est causa naturalis amoris, juxta illud Eccli. 23. omne animal diligit sibi simile. Necesse est inter Matrem hanc, huncque filium amorem fuisse perfectissimum, utpote maxime sibi propinquos, maximeque similes. Christus enim secundum humanam suam naturam totus erat de substantia Matris, si carnem speleret; Unde inter nullos fuit tanta dilectio, & intensissime filius à tanta Matre diligebatur in tantum, ut nullus amor Maternus eidem posset comparari. Erat præterea filius vita integrissima, moribusque compositissimis, ac sanctissimis; Erat Davidici Regni heres, & universorum Dominus; Erat in illo denique quidquid amabile in ullo vel haberi, vel optari potest. Mater præterea castissima nullis peregrinis, vel privatis

vatis amoribus retardabatur, neque amando filium excessum quendam amoris, ut cæteræ Matres subinde solent, poterat committere, hinc rapiebatur tota in filium absque ulla dilectionis intermissione. Ex quibus illud conficitur, si tantopere Mater Iesu naturali amore filium est prosecuta, necesse est, in morte ipsius, ac amissione tantum dolorem materna confecisse viscera, quantus nullus dolor existit, vel cum omnium Matrum primogeniti ab Angelo devastante interficerentur in Ægypto; vel si omnium Matrum filiorum simul interemotorum dolor in unius miseræ Matri pectus confluere. Si credimus authori Ciceroni in eo dialogo, quem de amicitia conscripsit, Orestem & Pyladem simul à Rege Thoante comprehensos fuisse, quod crederentur Diana simulacrum afferre furto voluisse; cum Orestes capite damnatus fuisset, nec tamen recte nosset, quis Orestes, quisve Pylades vocitaretur, Pyladem Orestis sibi amicissimi nomen tribuisse; obstitisse contra Orestem, sequ

K 3

hoc

hoc nomine compellari, affirmasse, nec
 prius amore certare desissem, quam u-
 terque vel neci traderetur, vel alter pro
 altero victima caderet, vel certe, ut con-
 tigit, utriusque vita maneret. Quid sen-
 tiendum de amantissima filii sui Maria,
 quam illa amoris vehementia adaequa-
 libenter filii loco vitam posuisset, quan-
 toque acerbior ipsi vita fuit; quam o-
 ptata mors, quod ab eo separaretur,
 quem ipsa tantopere dilexerat. *siccine se-
 paras amara mors.* Quanto rectius ipsa
 dicebat, quam Agrippina de impiis suo
 Nerone; Imperet filius meus, etsi mi-
 seram, imo ex eo capite felicem occidi,
 vel occidere matrem oportebit. Si Ia-
 cob auditu nuncio de morte filii tan-
 tum doluit, ut *Gen. 37.* scissis vestibus
 induitus sit cilicio, luxeritque filium su-
 um multo tempore, omnemque conso-
 lationem respuerit, dicens: *descendam
 ad filium meum lugens in infernum.* Quid do-
 loris, quidque mæsticie Virgeneo pe-
 stori ad hæsisce autumas Parthenophi-
 le, in morte sui unigenti? gemebat sci-
 licet: *Fili mi Jesu, Jesu fili mi, quis mihi
 tribuat*

tribuat ut ego moriar pro Te, Jesu fili mi, Fili mi Jesu; Doleo super Te fili Jesu, decore nimis, & amabilis; ac speciose præ cunctis filiis hominum, Quis mihi hoc tribuat ut moriar pro te fili mi Jesu! Verissimum igitur est, quod Bernardus de lamant. B.V. tradidit: Non credo plane enarrari posse dolorem Virginis, nisi tantum fuisse crelamus, quantum unquam dolere potuit de tali filio talis Mater.

Alter amor amantissimæ Matris erga filium dilectissimum erat acquisitus, cuius perfectio juxta Philosophum Eth. c. 3. § 5. ac S. Thomam 22. que 23. q. 1. requirit idem domicilium, benvolum, & mutuum amorem, solet enim amor foveri & nutriti communicantis, & familiaritatis pabulo, quo deficiente facile evanescit; unde & Aristoteles ait: silentium diri mere amicitias. Ex quo capite rursus præcellentissimum fuisse Virginis amorem in suum dilectum clarissime convincitur. Aliæ imprimis Matres utero gestantes problem non agnoscunt, multo minus cum eadem confabulantur, neque enim vel infantes usu rationis utuntur, vel Matres

qualis sit advertunt; Dominus autem Jesus à primo suæ conceptionis instanti, omni ratione, prudentiâ, & sapientiâ, quâ creatâ, quâ increatâ pollebat, atque adeo ab eo momento, quo verba illa Deipara protulit: *fiat mihi secundum Verbum tuum*, ab internâ cum filio suo collocutione nunquam cessavit. Quis referat suavissima colloquia ut primum in mundo edidit salvatorem? quis edisserat benevolentiam Matri dum millesimâ infigeret amoris oscula, soveret sinus, lactaret ubere. Erat deinde vita utrique communis inter labores, & duri exilii incommoda, quæ tum abditi cordis, sensuumque communio non intercesserit, ubi tam continua alterius in alterum amoris argumenta, ubi Natus sine Patre amore in utriusque parentum debitum uni Matri impendebat, ubi Mater sine complexu conjugis, & paternas in amando filio vices simul explebat, illudque identitem utriusque auribus insonabat: *Dilectus meus mihi & ego illi cant.*
3. *Ego diledo meo, & ad me conversio ejus.*
Posteaquam autem Puer Jesus proficiebat
ætate

atate & gratia apud Deum & homines;
Quantum seminarium amoris præbebat pulchritudo, & forma insolita, stupenda & nunquam visa decoris species, & Majestas? Erat præterea unicus filius, Matris studiosissimus & observantissimus; Erat desiderium collium æternorum, & desideratus cunctis gentibus. Erat præterea ea Mater, seque ipsam clarissime talem agnoscebat, quæ tot tantisque beneficiis à filio præventa, & cumulabatur indies, ut nec supremus Angelorum princeps ea fatis capere valeret, cum & filius Deus esset, & infinita posset, & infinitè quasi amatæ Matri veller conferre. Accedebant beneficia mutua Matris in filium, de quibus Methodius orat. in Hypop. Dom. ad Virginem conversus, sic eam alloquitur: Euge, Euge, quæ debitorem illum habes, qui omnibus mutuo dat; Deo namque universi debemus, Tibi vero etiam ille debet. Nos profecto omnes Dco vitam debemus, suscepitque idem beneficium à Domino Virgo; at debet vicissim vitam, quam habet humanam Virgini Deus, utpote

K. s. quam

quam ab ipsa per veram generationem suscepit. Itaque Creator omnium cui omnes creaturæ debent, bruta eleinenta, flumina, fontes, plantæ, volucres, pisces, astra, cœli, & cœlestes spiritus, debitor factus est MARIÆ; ex quibus beneficiis mutuis, quamvis longe majoribus illis, quæ Virgo acceperat, indies indiesque augebatur Amor & incomparabiliter crescebat. Præterea summa erat amicitia Matrem inter & filium, quam, si vera sit, charitate memori debemus, estque ea nil præstantius. Est enim vera amicitia rerum divinarum humanarumque cum benevolentia consensio, à qua summa voluptas ex charitate, & virtute nata, separari non potest. Quantus ergo in sanctissimo Virginis pectore viguit acquisitus amor? in quo nascebatur quotidie, & quasi per singula momenta nova radix & causa, & flos novi amoris. Filius ergo & Mater, inter quos teste Aristotele 8. Eth. cap. 7. 9. 14. Proprie amicitia potest consistere, omnes leges, omneque officium amicitiæ perfectæ expleverunt.

runt. Fuit itaque amor benevolentiae,
quo sibi mutuo bonum volebant; fuit
amor fundatus in communicatione bo-
norum, & sanguinis, ac virtutis. Fuit
deinde amor utriusque cognitus; adeo-
que summa & perfecta amicitia, in qua
omnia commoda, studiaque refereban-
tur ad utilitatem amati, ita ut esset con-
tinuus fluxus, & refluxus amoris reci-
proci, plusque studebat amato amans,
quam amans sibi ipsi amanti.. Erant
ergo in Christo omnes conditiones,
quæ Matrem incitarent ad summos a-
mores. Dicebat ergo Jesus Matri ::
Omnia es una mihi; & Mater filio : *Unus*
es omnia mihi. Filius, cognatus, Frater,
Soror, Pater, Mater, Sponsus, Amicus,
Fidejussor, Pastor, Spes, Vita, Protec-
tio, Solatium, Creator, & Deus meus.
Neque unius mensis, annive decursu
sanctus hic crevit amor, hinc si com-
putationem instituamus à conceptione
Christi, usque ad mortem, necesse fuit,
ut quasi in infinitum excresceret hic ac-
quisitus amor. Si enim Petri, Joannis,
& Magdalena amor longe mino-

re, & per annos pauciores cum aman-
tissimo Salvatore consuetudine, eo usq;
excrevit, ut Christo interrogante: Pe-
tre diligis me plus his? ille responderit:
Tu scis Domine quia amo Te. Joannis 21. Et
Joannes per antonomasiā dicatur:
Discipulus ille quem diligebat Jesus. Ioam.
12. It de Magdalena ipsa testetur Ve-
ritas: *Remittuntur ei peccata multa, quo-*
niam dilexit multum. Quousque excre-
visse existimandus est amor Maternus?
certè eò usque, ut inter homines, vel
puras alias creaturas major haberi non
posset. Expende nunc Parthenophile,
quis, quantusque mæror, cum tot an-
norum tenerrimæ consuetudini assue-
tam Matrem deserit filius, qui unus ei
erat omnia; cum in tristem mortem
clauderentur oculi illi columbarum,
quæ stellularum duarum instar corrus-
cabant; cum mortualem pallorem ea
indueret facies, in quam desiderabant
Angeli prospicere.

Jam vero ad tertium amorem quod
attinet, quique supernaturalis dicitur,
sicut is absque omni dubio omni natura-
li amore

li amore incomparabiliter major & fortior ; comprobavit hoc experientia in piissimo Abrahamo in quo charitatis amor erga Deum ita superavit, ac transcendit amorem naturalem erga filium suum Isaac, ut cum Deus sibi eundem dilectissimum filium immolari praecipisset, ipse Parens non hæreret vibrare gladium, caput filio demessurus, nisi aliud Deo visum fuisset. Hinc & à Dominō audivit : *Nunc cognovi quod timeas Deum*, timore scilicet filiali, qui ex amore charitatis procedit. Hinc præclarè dictum est à Spiritu Sancto *Cant. 8. Fortis est ut mors dilectio.* Sicut enim mortis fortitudo tanta est, ut omnia sibi subjiciat, etiam ipsum Salvatorem nostrum in cruce ; Ita amor, & charitas ac dilectio Dei omnia vincit, omnia suo imperio subjicit, ipsum etiam Numen. Quantus autem fuerit hic amor supernaturalis in Virgine non existimem puram aliquam creaturam sufficienter sequi valere. Si enim hominis excellentia in statu supernaturali recte desumitur, ut docent Theologi, à magnitu-

K 7 dine

dine gratiæ & charitatis; occurunt verba S. Chrysost. serm. de nativ. B.V.
Quidnam illa sanctius, non Prophetæ, non Apostoli, non Martyres, non Patriarchæ, non Throni, non Dominationes, non Seraphim, non Cherubim, non demum aliud quippiam inter cæteras res visibiles, & invisibles majus, aut excellentius inveniri potest. Similia quamplurima leguntur in SS. PP. Occurrit S. Bonav. in spec. *Virgo attulit aurum charitatis infinitum.* Occurrit S. Ansel. de excell. Virg. c.3.. *Nullus hominum vel Angelorum penetrare potest immensitatem divini amoris erga Virginem;* & infra: *Ineffabilis est, & stupenda omni sæculo hujus misericordia gratia.* Sed hisce pluribus non inhærebo, si tamen licet Parthenophile, immensitatem quandam hujus tuæ Dominæ charitatis, & amoris videre, quo & illam pluris æstimes, & magnitudinem dolorum exinde facilius colligas, & te fortius ad patientiam excites, posteaquam creaturam adeo Deo, præ reliquis omnibus dilectam, tot, tamque duris laboribus exercitam, perspexeris; tabulam tibi ex Justo Polono in lit. tit.

Mater

Mater Div. grā. Viro de laudibus Matris Dei optime merito de promam, ex qua ad trigesimum solum actum divini amoris prima hora suæ animationis progressa est SS. Virgo, etiam adhuc existens intra uterum. Tabula autem supponit duo i. Beatam Virginem in gratia excellenti creatam, quam hic ponit author intensam ut 100. alii vero longe majorem, ita ut hic centesimus gradus peregrinus respectu tantæ Matris Dei futuræ censeri possit. Alterum est, quod docent Theologi, Virginem Deiparam gratiæ semper meliore modo cooperatam fuisse, adeoque secundum totam latitudinem habitus, ita ut secundo actu ad minimum tantum gratiæ & charitatis acquireret; quantum exactu priore relictum fuerat, & sic deinceps. Jam inspice tabulam

Progress-

Progressio Geometrica triginta terminorum, cuius
radix sit 100. proportio vero dupla.

| |
|--------------------|
| 100 |
| 200 |
| 400 |
| 800 |
| 1600 |
| 3200 |
| 6400 |
| 12800 |
| 25600 |
| 51200 |
| 102400 |
| 204800 |
| 409600 |
| 819200 |
| 1638400 |
| 3276800 |
| 6553600 |
| 13107200 |
| 26214400 |
| 52428800 |
| 104857600 |
| 209715200 |
| 419430400 |
| 838860800 |
| 1677721600 |
| 3355443200 |
| 6710886400 |
| 13421772800 |
| 26843545600 |
| 53687091200 |
| Summa 10737418200. |

Numera nunc, si potes Parthenophie
hos gradus charitatis, & gratiæ,
quos Virgo Deipara acquisivit, forsan
primo vitæ in materno utero ætæ qua-
trante; & perge; si potes, progredi ea-
dem proportione numeri, & temporis,
ad annos circiter sexaginta tres, tum
inspice thesaurum habitualis gratiæ, &
charitatis in Virgine repertum, ac disce
tandem, quid sit esse Matrem Dei plenam
gratia. Disce quantopere Deus delecte-
tur patientia, quando hanc creaturam,
post humanitatem Christi sibi dilectissi-
mam, & tanta charitate munitam, tot ni-
hilominus angustias, doloresque voluit
sufferre. Disce demum cum sanctissima
Virginis anima tota propemodum cha-
ritate in suum Jesum diffueret, quibus
illa tormentis, suppliciis, afflictionibus
æstuaverit, videndo sibi tantopere su-
per omnia dilectum, tot cruciatibus, in-
famiis, excarnationibus & ipsa de-
mum crudelissima morte interfici. In-
tensissimos profecto fuisse Virginis do-
lores necesse est, sicut amor omnium erat
ardentissimus. Advertit hoc prudenter

Bona-

Bonavent. cum dixit : nullus dolor amarior , quia nulla proles charior. Et colligitur ex eo quod fugientibus discipulis ipsa generosior omnibus in fide persisteret, & dilectione, prout habet Guilielmus in com. sup. cant. c. I. Tanta virtute Christum dilexit, ut ad titulum suæ laudis sufficiat, quod mentem ejus tanta vis amoris occupaverat, ut fugientibus discipulis , oblitus sexus fragilis, ipsa cum lachrymis astans cruci, & condolens morienti animam suam pro filio suo, et si minime posuit patiendo , tamen exposuit compatiendo. Stabat igitur sub cruce Mater Jesu, ast quomodo stabat ? O dolores, inquit Bernardus super Evang. inexplicabiles, & ineffabilis reciprocatio sancti amoris, filius patitur, & intus valde compatitur Matri; Mater vero compassa est patienti filio : tantus nempe impetus passionis Domini Jesu fuit, ut quasi torrens ipsum impleret patientem ; quia teste Psalmista : de torrente passionis in via bibet, ut sic Christo impleto, in Matrem fueret compatientem, quâ similiter impletâ, adfluum redundaret inundatio amaritudinis , & mæroris. Stabat igitur sub cruce Mater Jesu, & (ut habet Ludolph. de Saxonia)

Afficie-

Appiciebat ancilla Dominum suum in cruce-
pendentem, morientemque turpissime, tanto-
que dolore vexabatur in mente, quod non po-
test explicari sermone, manabat enim sanguis
ex quatuor partibus rigantibus undis, ligno
manibus, pedibusque clavis confixis. De vul-
tu illius pulchritudo effluxerat omnis, & qui
erat praeterea aliis hominum speciosus, videbatur
indecorus omnium. Videbat, quod compleba-
tur propheticum illud in eo: *Vidimus eum, &*
non erat asperitus, neque decor, quia iniquo-
rum livor & verbera fœdaverant vultum
eius. Deinde sic Virginem loquentem
inducit: *Videbam me deseriri ab ipso quem*
genui, nec supererat alius, quia mihi erat uni-
cus, & ideo non potuit capi in me dolor meus;
Vox mea fere perierat omnis, sed dabam gemi-
tus & suspiria; volebam loqui sed dolor ver-
ba rumpebat, quia verbum jam mente concep-
tum, dum ad formationem protenderet oris, ad
se revocabat imperfatum nimius dolor cordis.
Vox tristis sonabat foris, vulnus denuncians
mentis: Verba dabat Amor, quæ raucum
sonabant, nam lingua vocis magistra perdide-
rat usum loquendi. Videbam mori, quem
diligebat anima mea & tota liquefiebam
præ

prae doloris angustia; Asspiciebat E ipse benignissimo vultu Matrem plorantem, E me voluit paucis consolari; sed ipsa consolari non poteram, sed flebam dicens: Fili mi, fili mi! quis dabit ut ego moriar pro te, moritur filius, cur secum non moritur misera Mater? Amor unice, fili dulcissime noli me derelinquere post te, trahe me ad te ipsum, ut ipsa moriar tecum; male solus morieris, tecum morte perimitur ista tua genetrix! O mors mihi miserae noli parcere, Tu mihi sola precundis places; exerce vires tuas, trucida Matrem, E cum filio perime simul. Fili dulcor unice, singulare gaudium, vita animae meae, E omne desiderium, fac ut moriar tecum, quia Te ad mortem genui, sine Matre noli mori. Recognosce me miseram, E xaudi precem meam, exaudi me obsecro, in tuo me suscipe patibulo, ut qui una carne vivimus, una morte pereamus. Et infra. Vita mea moritur, E salus perimitur, ac de terra oritur omnis spes mea, Cur ergo vivit in dolore Mater post filium? tollite, suspendite Matrem cum suo pignore. Non parcis proli, non parcas E mihi. Tu mihi soli mors esto seva; tunc enim summe gauderem, si cum Christo meo mori possem. Melius

Hinc est mihi mori, quam vitam ducere mortis.
O fili chare, o benignissime nate, miserere Ma-
tris, suscipe preces, desine nunc esse durus Ma-
tri, qui semper ei fuisti benignus in cunctis. Ni-
hil vero dulcius mihi quam tecum mori, Et ve-
rè nil amarius est, quam vivere post mortem
tuam. O Jesu tu mihi Pater, Tu mihi Ma-
ter, tu mihi sponsus, tu mihi filius, tu mihi om-
nia eras: nunc orbor Patre, viduor sponso,
desolor prole, omnia perdo: O fili mi quid
ultra faciam? finem imponere cogor
Parthenophile, innumeræ sanctorum
eiusmodi prostant sententiæ, quibus ex
amore Matris in filium, ejusdem colli-
gunt acerbitatem dolorum, tantum &
tu Matrem tuam diligere comprobabe-
ris, quantum condolebis.

CAPUT II.

Amore dolorosæ Virginis libenter, Et patien-
ter ferre amissionem bonorum; præsertim,
parentum, liberorum, amicorum &c.

Non mediocri laude digni censendi
sunt ii Parthenophile, de quibus
Apostolus: Bonorum vestrorum jactu-
ram